

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Volvntarivm Imperii Consortivm Inter Fridericvm Avstriacvm Et Lvdoovicvm Bavarvm Avgg.**

**Köhler, Johann David  
Baumann, Johann Friedrich**

**Altdorfii, 1733**

Nobilissimo et doctissimo avctori respondenti S. P. D. paeses dissertationis

[urn:nbn:de:bsz:31-130795](https://nbn-resolving.org/urn:nbn:de:bsz:31-130795)

NOBILISSIMO ET DOCTISSIMO  
AVCTORI RESPONDENTI

S. P. D.

PRÆSES  
DISSERTATIONIS.

**N**E vacuum sit spatium plagulae hujus ultimae, non possum non publicum testimonium perhibere summæ tuæ industriæ, quam in elaboratione hujus Dissertationis Academicæ laudabiliter comprobasti. Nam cum Philosophiæ et Iurisprudentiæ studio amplissimo, quod in celeberrimis Germaniæ Academiis, Tubingensi, Argentoratensi, et Marpurgensi, per lustrum, et quod excurrit, maxima animi contentione exercuisti, feliciter etiam conjunxisti historiarum utilissimam cognitionem, ut tibi nihil desit, quod cum ad eruditionis tuæ variæ ornamenta, tum ad augendum ingenii tui præstantissimi cultum, valeat. Selegisti ergo, me auspice et duce, illustrissimum gravissimumque argumentum, in quo vires doctrinæ  
histo-



historicæ exfereres , ac, subsidiis a me indicatis et sub-  
ministratis , solerter et accurate expendisti condiciones ,  
quibus libertatem Imp. FRIDERICVS AVSTRIA-  
CVS ab Imp. Ludovico Bavaro recuperavit , a longo  
tempore ab Austriacis et Bavaricis Scriptoribus vehe-  
menter disputatas. Sincere docuisti, per quæ multa cer-  
tamina, et per quas mirificas vicissitudines , conservata  
fuit ac stetit FRIDERICO AVSTRIACO Imperatoria  
Majestas, et modeste respondisti dissentientium rationi-  
bus. Votorum ergo meorum summa est , ut AVGV-  
STISSIMO IMPERATORI hoc devotissimæ ve-  
nerationis nostræ in Sacratissimam DOMVM AV-  
STRIACAM monumentum , NVMINI MAIESTA-  
TIQVE EIVS humillima submissione dicatum et con-  
secratum , non displiceat, ac mereatur gratiam et favo-  
rem Mecænatum purpuratorum , qui in primis deliciis  
habent historiæ Germanicæ studium , ejusque incre-  
menta omnibus modis indulgentissime promovent.  
Fortunet porro benignissimum Numen omnes tuos egre-  
gios conatus, et concedat tibi amplissimos honores,  
qui solent doctrinam solidam , virtutes eximias, et sin-  
gularem vitæ elegantis integritatem, comitari. Vale.  
Altorf I d. xxiii. Aprilis A. C. MDCCLXXXIII.

